

سنه : ۳


۳۰ ايلول ۱۳۳۶

عدد : ۳۱



تاریخ وادستان

۱۳۳۶ هـ



برکون بیلنبر فیستی مجموعہء ملک اما
پاک چوق آرا ایراور تہدہ مجموعہء بولنیز

ایتدک شرف خدمت اجدادی فراموش
آثارینہ اسلافنک رغبت اولنیز

دیو سیرت ازدها صورت اولان یر قاچ لعین
 تزه دی جانم کورنجه بونلری عین الیقین
 کسدیلر عرق حیاتم طوتدیلر محکم ، متین
 سیزلنوردم جانخراشیدن ایدوب آه واین
 قویمه اول ظالمیره الله ایچون آل قاتمی
 ای شهنشاه جهان خاقان دهر عبدالحمید
 ایلسون حق ذاتکی اکدار عالمدن بعید
 لطف واجلالکله ایتدک عالمه حالن بدید
 دیر لسان حال ایله روح شهنشاه شهید
 قویمه اول ظالمیره الله ایچون آل قاتمی
 قیدیلر انجام بویله برشه ذیشان آه
 ایله (سعدی) بوغم ماتمله یانه یانه آه
 آغله کیم تسکین ویرمز بادل سوزانه آه
 بشقه بر ماتم ویرر شومصرعی وجدانه آه
 قویمه اول ظالمیره الله ایچون ال قاتمی

مرقد عالی سلطان عبدالحمید خان ثانی

خاقان اسبق سلطان عبدالحمید خان ثانی افندمرحضر تلرینک،
 جد عالیلری سلطان محمود خان ثانی حضرت تلرینک تربۀ شاهانه لرنده
 بولان مرقد غفران مرصد عالیلرینک تنظیم وتسویه اولندیغی وولادت
 وخلق مؤسف وارتحال شاهانه لرینه دائر اولان شو تاریخی نشیده لر
 تعلیق اولتمق اوزره خط نفیس ایله یازدیرلقد بولندیغی خبر آلمشدر .

ولادت هایونلرینه دائر اولان منظومه

ویردی برشهزاده عالی خدای لایزال
 بردور صکره جلوسیه کیدر هر برممال
 ابتداسی حال بحران ایسه ده ایتمه تلاش
 یدی ییل کچدکده عالمدن کیدر یم وخراش

مدتی اول تاجدارك « مطلع شمس نجات » (۱)

بویله بر شهزاده تولید ایتامشدر امهات

ا-ت راحت مدتی (۳۳۵) سالیدر (۲)

علم جفری سویلدن اقبال عال العالیدر

جفر ایله (کامل) دیدم تاریخ با فیض آله (۳)

طوغری (ظل الله فی العالم) بوییل مانندما

سنه ۱۲۵۸

[۱] اهلك معلومیدرکه علم جفرک انجد کبر قسمتك اشکال جروفتنده
ناظم تاریخک ایکی طرفی قوس ایچنه آلدینی « مطلع شمس نجات » جمله سی
خاقان مشارالیهک مدت سلطنتی اولان اوتوز اوچ عددینی اشعار ایدر. سلطان
مشارالیهک جلوس شاهانه لرندن ۳ سنه وارنحال ملوکانه لرندن ۴۵ سنه اول
وفات ایدن ناظم تاریخک بوکشی حقیقه شایان خبرتدر.

[۲] خاقان مشارالیهک ارتخالی بحری ۱۳۳۶ ورومی ۱۳۳۴ ده وقوعبولاشدر
کذلک ناظم تاریخک، تاریخنده وفات شهریاریه بوقدر مقارب بر کشفده
بولنسی شایان تقدیردر.

[۳] صاحب تاریخ (کامل) افندی مشهور تاتارجق زاده قاضی عسکر
عبدالله افندیکنک احمازنددر. وفاتی سلطان مشارالیهک جلوسندن مقدم اولدینی
حالده جفر ایله عادتاً ترجمه حالی یازمسی و « ظل الله فی العالم » (۱۲۵۸) تاریخ
دوشورمسی علوم غریبه ده اولان مهارت کامله سی کویستره جک آثاردندر.
خاطرمد قالدیغنه کوره حقیقه مستثنا بر افاده به مالک اولان ادیب نزیه
(روشن انرف) بک افندی ناظم تاریخک بردفترخاطراتی بوله رق برچوق کونلر
غزته لرده بوذاتک دفترخاطراتنده کی فیحتلی آثاردن بحث ایتمش وبنده کنزه بعض
سؤاللر ابراد ایتمش ایسه ده اولوقت (روشن انرف) بک افندیله معارفه م
اولدیغندن جواب ورمامشدم. صکره کسب معارفه ایدلمش ایسه ده بوکونلرده
حضرت، ینه کورنما مکده بولنشددر.

کتب موجوده ده لازمکلان ایضاحات مرتبه بولنه میه جنی جهتله ناظم تاریخ
اولان کامل افندیکنک ترجمه حالندن و آباواجدادندن بر مقدار بحث ایتمکی مناسب کوردم.

۱

محمد کامل افندیکنک پدری علمادان محمد بهاء الدین افندیدر. ابتدای رؤسی

۱۲۳۱ سنه سنده در بعض مناصب علمیه ده بولندقدن صکره یکیشهر منلاسی

اولش وبعده العوده ۱۲۶۷ سنه سنده در سعادتده وفات ایتشددر.

سلطان مشارالیه حضرت تلو بنک خلع اسفانکیزلری تاریخی ایچون.
شو منظومه حقیرانه مک انتخاب بیورلدیغی مسموعدر:
شه جم مرتبه سلطان حمیدک حیفای [۱]
بعدزین سلطنتی ملک فراغه دوشدی

۲

آنک پدری ده قاضی عسکر و نقیب الاشراف اولان احمد رشید افندی در .
ابتدای رؤسـی ۱۱۹۵ و ارتخالی ۱۲۵۵ سنه سنده در .

۳

آنک پدری قاضی عسکر عبدالله افندی در ابتدای رؤسـی ۱۱۶۷ و ارتخالی
۱۲۱۱ سنه لرنده در . اصلاحات دولته دائر لایحه لری مشهور و زمانه عائد
اولان تاریخلرده برچوق احوالی مذکور در .

۴

آنک پدری ایکی عصر اولکی زمانه عائد اولان رجالدن قریبی عثمان
افندی در . عثمان افندی بنک اوچ اوغلی واردر . اوچنی ده عالم فاضل کامل
یتشدیرن بختیار برپدر در . بر اوغلی محمد سعید افندی ۱۱۷۰ تاریخنده رؤس
هایونه نائل و بعضی مناصب علمییه ده بولنه رق آز مدت سکره وفات ایتشدیر .
دیگر اوغلی اطف الله افندی ۱۱۷۲ ده نال رؤس اولشدیر و آرزوسی
نسبتنده ترقی کورمه دن وفات ایتشدیر . محمد کامل افندی بنک سلسله نسبتی
قریبی عثمان افندی بنک اوچنجی اوغلی اولوب بالاده مذکور اولان قاضی عسکر
عبدالله افندی به عائد در .

۵

ایشته بوذاتلرک احفادن اولوب تاریخ مذکوری انشاد ایدن محمد کامل
افندی به کلنجه بوده دده سی قاضی عسکر محمد رشید افندی زماننده ۱۲۵۱
تاریخنده رؤسه نائل اولمش و قطع پایه ایدرک حلب و بروسه متلاقلرنده
بولنه رق حرمین پایه سنی احراز ایتشدیر . ۱۲۹۰ سنه سنده دیوان احکام
عدلیه اجرا جمعیتی اعضالغنه نائل و متعاقباً استانبول پایه عالی سنی احراز ایله
ممتاز الاقران و الامائل اولمش ایسه ده ۱۲۹۱ سنه سنده دیوان احکام عدلیه
اجرا جمعیتی اعضائی عهده عالی رنده اولدینی حالده نرک دغدغه دنیا ایلشدیر .
علوم غریبه به آشنا بولندینی تاریخ مذکور مندرجانندن مستباندر . رحمة الله علیه
[۱] بو تاریخی خلع مؤسـفلری وقوعه کتیرلدیکی کونده یازمش و قتیله
جلوس هایونلری و اوصاف شاهانه لری حقنده تألیف اولدینم مطبوع (لوامع الحمیدیه).
کتابنک نهایتنه درج ایلشدم .

بر طاقم لطفه کفران ایدن ارباب فساد
قوشدیلر هر بریسی صول ایله صاغه دوشدی
اوها همتی خلع ایلدیلر خائنلر
بلبلان صوصدی بوکون زمزمه زاغه دوشدی
ایلدی غنجه مقصودی ملت ضایع
باغبان کیتدی خزان صورتی باغه دوشدی
کلیکیز اغلایلم مملکت الدن کیدیور
اولدی تاریخ مؤسف (سوز ایاغه دوشدی)
سنه ۱۳۲۷

ارتحال هایونلرینه دائر سویلنیلان بر چوق تاریخلر ایچنده ینه
بوعبد فقیرک شو تاریخنی انتخاب بیورلمشدر :
شه عالی کهر عبدالحمید خان ملک خصلت
جهانه (۱۲۹۳) ده پادشاه اولدی [۱]
(۳۳) ییل سمای عدلی ایتدی کون کبی تنویر
خسوفه اوغرادى آخر، جهان ظلمتپناه اولدی
تأسفله کورردی ملتک حال خطر ناکن
طقوز ییل ده سریر انزوا اوستنده شاه اولدی
پشیان اولدی ملت، لکن اول سلطان وفات ایتدی
منور نعلنه طویلا ندی هر کس عذر خواه اولدی
گراما کاتینه ایلمد تاریخن استفسار
دیدى « عبدالحمید » خان واصل قرب آله اولدی
سنه ۱۳۳۶

(۱) بو تاریخیده وفات شاهانه لرنده کمال اسفله یازوب ینه مذکور کتاب
زیرینه تحریر ایلمشدم .